
Даштхасан маҳалласида 3 минг метр ичимлик сув тармоғи тортилмоқда

Президентимизнинг 2022 йил 25 октябрда қабул қилинган “2022-2023 йилларда маҳаллалар инфратузилмасини янада яхшилаш бўйича қўшимча чора-тадбирлар тўғрисида”ги қарори асосида Ўзбекистон туманидаги қишлоқ ва маҳаллаларда инфратузилма билан боғлиқ энг долзарб масалаларни тизимли ҳал этиш, ижтимоий соҳа ва бошқа инфратузилма объектларини яхшилашга қаратилган салмоқли ишлар олиб борилмоқда.

Тумандаги Даштхасан маҳалласида ҳам ичимлик сув таъминоти билан боғлиқ мавжуд муаммоларни бартараф этиш ва бу орқали аҳолига қулайлик яратиш ишлари бошланди.



Айни вақтда қишлоқ ҳудудида 3 минг метр ичимлик сув тармоғи тортиш ишлари бошланди. Лойиҳа доирасида ҳудудга сув минораси ҳам ўрнатилади. Мазкур ишлар натижасида маҳалладаги 400 дан зиёд хонадонга тоза ичимлик суви кириб боради.

Тумандаги кўплаб маҳаллаларда ҳудудлар инфратузилмасини яхшилашга қаратилган ободонлаштириш ва қурилиш-таъмирлаш ишлари давом этмоқда.



2023-02-04 10:43:49